

Հաստատեցին Մինոք, և այն եւս մնաց անգործադրելի։ Պօղոս Եպիսկոպոս աղաչէր զՊատրիարքն խորհիլ ընդ դըւ խաւորս ազգին վասն Աթոռոյն Երուսաղէմի, այլ նորա ոչ մատուցեալ ունկն՝ զնոյն ինքն զՊօղոս ասէր պատճառ աւերման Աթոռոյն, և ՚ի հարցանել նորա զվասն էրն. աւսէ՝ ընդէ՞ր առաքեցեր աստի զԴիոնէսիոս վարդապետ, ո՞ր գիտէ որքան կաշառս տուեալ ես և տալ ետուր։ Պօղոս ասէ՝ ազգն յղեսց զնա՝ եւ ամենեքեան զխտէին զգնալ նորա, բայց ոչ ինչ ասացին յայնժամ, ո՞ւմ վասն է՞ր տըւեալ եմ զկաշառն՝ եթէ այնու եղանակաւ յղեալ եմ զնա, չգիտեմ զպատճառն, յորմէ երեւի թէ նա անդ գողանայ և ես աստ, և ընկերութեամբ բաժանեմք զինչս Աթոռոյն, զի եթէ ետու զկաշառս՝ յայտ է թէ ճարտարապետին և Քեահէայ Ամիրային տուեալ եմ. զի հրամանաւ նոցա գնաց նա յԵրուսաղէմ, և նոքա էին խորհրդակից Աթոռոյն. այս անցք անցին ՚ի Պատրիարքարանի յերեկոյի Բուն բարեկենդանի յետ ընթրեաց. զայս ամենայն ծանոյց նոցա Պօղոս և այլոց եւս. և չվհատեալ երբէք դեգերէր հանապաղ ՚ի դրունս մեծամեծաց գտանել զհնարս աղատութեան Աթոռոյն, և թեթեւցուցանել զծանր լուծ կեղեքիչ բռնաւորաց, մինչ պատրաստիլ տալ զիր աղաչանաց առ Տէրութիւնն և այսպէս յամենայն ուրեք պատմէր զվասնդ Աթոռոյն՝ եւ պարտատեարք պաշարեալ զնա պահանջէին զբրամս, և նա ոչ գիտէր թէ ուստի հատուցէ, և ոմանք մեղադրէին զնա իբրեւ զշւայլս և զանխոհեմս։ Աղաչէր Պօղոս զմեծամեծս արձակել զինքն ՚ի պաշտօնէն յայնմանէ, զի լաւ էր ինձ ասէր մեռանիլ՝ քան տեսանել զԱթոռն յայնպիսի նսեմութեան, այլ նոքա ոչ լսէին, զի անմիաբան էին. առաջի եդ նոցա գնալ յԵրուսաղէմ և եթէ ոչ հաճին՝ յէջմիածին, հրաժարիլ ՚ի պաշտօնէն՝ փակել զՓոխանորդարանն եւ տալ զբանալին ժողովրդոց. սակայն երկնչէր ՚ի հասարակութենէ, զի ամենայն ոք հառաչէր ՚ի վերայ թշուառութեան Երուսաղէմի և Էջմիածնի. նմին իրի թողեալ զամենայնն ՚ի բաց՝ զհետ եղեւ միաբանել զգլխաւորս ազգին, զի գոնէ սատարութեամբ նոցին մարթացի սանձել զբռնութիւն Կուսակալին Դամասկոսի, որպէս սկիզբն եղեւ ժողովելոյ նոցա ՚ի տուն ճարտարապե-